

von Wulf Wager

## Heilix Blechle abrau!



Wenn des dr Gottlieb Daimler wüsst, was er mit der Erfindung des Automobils angerichtet hat. Fahren Sie gerne Auto? I eigentlich scho. Aber aufam eg noch Stuegert kasch jo nemme fahra. Weder uf dr B 27, noch uf dr B 10, von de Autobahne ganz zu schweiga. Ma stoht jo die ganz Zeit im Stau. Neulich bin i zwoimol a gschlagene Stond em Stau auf dr B 27 gstanda. En dr oina Woch von Stuegert her ond en dr letzta Woch' von Tiebenga her.

Mei Frau wird jo saumäßig aggressiv beim Autofahra. Neulich war se mit ihrem kloina Patenkind onderwegs. Wo se wieder komma send, hot er mir ganz stolz vrzehlt: „Onkel, des war oifach ganz klasse! Onderwegs hemmr fenf blöde Affa, acht Idiota, sechs Trottel ond a ganza Menge Schofseckel überholt“!

I kann des scho vrstanda, wenn mr beim Autofahra wüatig wird. En jedem Flecka stoht beim Nei- ond beim Nausfahre so a Fotoapparat. Wenn de do bloß a bissle z'schnell fährt, no blitzt's – ond des isch richtig teuer. Beim Landratsamt en Esslinga kennat se mit meine Strofzettel scho an eigena Sachbearbeiter finanziera. Des isch amol a wirkungsvolle Maßnahme gega Arbeitslosigkeit! Also, Leutle, fahrat schnell ond lassat euch blitzta, no dent'r ebbes für d' Xellschaft. Aber vielleicht werdat no d'Fotografaibrflissig ...

Bis näggschd Woch'

Ihr

A handwritten signature in black ink, appearing to read 'Wager', written in a cursive style.

Wulf Wager